

西


藏

奏

疏

附西藏碑文
張由航題





西藏奏疏

卷七

年班進貢

道光十九年七月初一日奏為照例奏

聞事據噶勒丹錫喀圖薩瑪第巴克什咨稱本年係前

藏應遞

丹書克合將派出堪布羅桑進美囊素札巴倭色

爾帶往跟隨人數由西寧進京所用騾數開單

呈報前來臣等即將堪布等隨帶正包餘包委

派糧務朱錫保遊擊瑞周監稱數目均符包上

編寫記號仍嚴飭堪布等餘外貨包分毫不准

私帶去後該堪布等於六月初三日自藏起程
由該糧務遊擊等出具印結呈報前來 臣關聖
保 臣孟保復查均與

奏准數目相符合將正包數目及西寧貿易前藏
人名數目另造細冊咨送西寧大臣陝甘總督
查核外仍咨西寧大臣揀派能幹人員精銳之
兵迎至穆魯烏蘇交界地方妥為照料出境再
本年具

奏年滿肄業唐古特學生多安泰玉忠碩倫達雙
祿慶成松英等考列等第與堪布一同進京一

摺

旨知道了欽此欽遵合將多安泰等已飭與堪布囊素
等一同進京訖合併奏

聞九月十四日奉到

硃批知道了欽此

此摺係清文

...

...

...

...

...

...

...

...

...

...

道光二十年三月三十日承准軍機大臣字寄
道光二十年二月二十一日內閣奉

上諭前後藏堪布入都進貢每年於新正呈遞丹書克
豫於上年臘月抵都此次據理藩院奏稱前藏堪布
羅桑敬邁等於正月十五日到京已令於三月初一
日呈遞丹書克矣因念該處距京萬里之遙自因山
川阻隔雨雪載塗以致行程不能豫定若仍令其每
年輪班入貢恐屆時急於趨程跋涉間關更增勞勩
殊非優體喇嘛之意所有前藏堪布業已來京其後
藏著於道光二十二年入貢輪至二十五年前藏再

行入貢此後每間二年入貢一次以次遞推用示恩
施格外體恤優加至意該衙門卽遵諭行欽此

字備理入貢怒因却給外數野效也聞國更會發順

日呈魁具書次矣因念遠製聖京萬里之遙自因山

難桑如舊等敘五日十五日匯京旨命叙三月四日

東次土于歸民雅雅北次兼聖醫於察爾前備恭市

土命前發海恭市入請數貢等字外海五呈越西書京

首次二十半二日二十一日內閣奉

首次二十半三日三十日奉事大

首次二十半三日三十日奉事大

道光二十年九月十五日奏爲轉奏

皇上六旬

萬壽叩賀

天喜班禪額爾德尼代辦達賴喇嘛事噶勒丹錫呼圖
薩瑪第巴克什等差巴雅爾堪布呈遞

丹書克仰祈

聖鑒事茲據班禪額爾德尼代辦達賴喇嘛事之噶勒
丹錫呼圖薩瑪第巴克什等呈稱小僧等仰蒙
大皇帝天恩至優極渥未能答報除每日念誦經典恭

祝

大皇帝福壽

天齊外明年恭逢

大皇帝六旬

萬壽叩賀

天喜之午小僧等差巴雅爾堪布代進

丹書克稍盡微誠懇請大人等轉奏

大皇帝聖鑒俟

命下之日小僧等將恭備呈

進佛尊等物交付巴雅爾堪布於次年正月由藏

起程等情前來臣等恭查

皇上五旬

萬壽叩賀

天喜時達賴喇嘛班禪額爾德尼噶勒丹錫哷圖薩瑪

第巴克什等差巴雅爾堪布恭遞

丹書克由四川一路赴京在案今既據班禪額爾

爾德尼代辦達賴喇嘛事之噶勒丹錫哷圖薩

瑪第巴克什等呈稱明年

皇上

萬壽叩賀

天喜差巴雅爾堪布恭遞

百歲年班進貢

五

丹書克實屬出於至誠臣等具

奏伏乞

聖鑒俟

命下之日臣等曉諭班禪額爾德尼代辦達賴喇嘛事

之噶勒丹錫呀圖薩瑪第巴克什謹遵奉行謹

奏請

旨

道光二十年十月二十二日奉

旨據孟保等轉奏班禪額爾德尼代辦達賴喇嘛事務

之噶勒丹錫呀圖薩瑪第巴克什呈請於明年差巴

雅爾堪布叩賀朕六旬萬壽恭遞丹書克一摺班禪
額爾德尼噶勒丹錫喀圖薩瑪第巴克什等差巴雅
爾堪布恭遞丹書克實屬出於至誠深爲喜悅著照
伊等所請飭交孟保等照例辦理起程扣至明年七
月內到京仍由川道來京欽此

此摺係清文

道光二十年九月十五日奏為每年例進貢香
可否統交進京之堪布帶往恭摺具

奏仰祈

聖鑒事竊

臣

等本年承准軍機大臣字寄道光二十年

二月二十一日欽奉

諭旨以西藏離京遙遠所有前後藏年班著改為每間

二年入貢一次等因欽此欽遵在案伏查

臣

等每年

應

進貢香及另備添換藏香共一千枝向交年班堪

布帶京送至理藩院衙門代為恭

西廡奏疏 卷七
進今前後藏入

貢年班堪布仰蒙

聖恩優加體恤改爲每間二年進京一次至_臣等每年

例進

貢香若由內地運送不無有勞驛站若由西寧行

走地處蠻荒恐難照料合無仰懇

天恩可否將二十年及二十一兩年應進

貢香統俟二十二年後藏堪布進京帶往恭

進嗣後每年_臣等應

進藏香均歸堪布帶京恭進之處是否有當伏乞

皇上訓示遵行爲此謹

奏十一月二十八日奉到

硃批如所請行欽此